

DISSERTATIO INAUGURALIS
PHYSIOLOGICO-MEDICA
DE
INFANTIUM ORGANISMO
NECNON
DE ILLORUM MORBIS,
QUAM
EX RECTORIS MAGNIFICI J.-G.-J. ERNST,
ET SENATUS ACADEMICI AUCTORITATE,
PRÆVIO FACULTATIS MEDICÆ DECRETO,
PRO GRADU DOCTORIS,
SUMMISQUE IN MEDICINA HONORIBUS AC PRIVILEGIIS,
IN UNIVERSITATE LEODIENSI,

RITE AC LEGITIME CONSEQUENDIS.
PUBLICO EXAMINI SUBMITTIT
Die mensia Januarii anni 1828, hora

Auctor

Richardus Elsen, ex Feulen, in Magno Ducatu Luxemburgensi.

LEODII, TYPIS P. J. COLLARDIN, TYPOGRAPHI ACADEMICI.

Le Specimen sera soumis à la censure de la Faculté, afin de s'assurer qu'il ne s'y trouve rien de contraire à la tranquillité publique et aux bonnes mœurs; chacun étant, du reste, libre de présenter au public les résultats de ses opinions, sans que, pour cela, ils puissent être considérés comme ceux de la Faculté ou de l'Université.

Art. 56 du Règlement.

DEN MANEN DES BESTEN VATERS!

DER BESTEN MÜTTER.

als öffentliches Zeugniß meiner Ehrfurcht, Liebe und Erkenntlichkeit,

MEINEN BRUEDERN UND SCHWESTERN,

als Pfand der Freundschaft, die uns auf immer vereinigen soll;

DEM HERRN B. CORNET VON BISSEN,

*aus dankbarem Gemüthe für stets erwiesene Freundschaft
und Gewogenheit*

Vom Verfasser gewidmet.

Niemand erleidet mehr Unrecht als die Kinder, und dies zwar von den Personen,
von denen es ihnen am wehesten thun muss, von ihren Eltern, von ihren Wärterinnen und später von ihren Erziehern und Lehrern....

J.-Ch.-G. JÖRG. *Handb. zum Erkennen und Heilen
der Kinderkr.* S. 4.

QUÆDAM DE INFANTUM ORGANISMO, NECNON DE ILLORUM MORBIS.

PROCÉDÉ.

INFANTIUM morbos medicinæ practicæ difficillimam partem consti-
tuere , omnibus constat. Hæc difficultas a variis causis procedit. Ex
infante enim , qui morbo laborat , prima ætate , qua linguae adhuc
usu caret , nihil omnino cognoscere possumus ; proiectiore autem
ætate , nonnisi imperfectas notiones de sensationibus ejus , de causis
quibuscumque noxie in illum influentibus et de erroribus , quos in
vivendi ratione commiserit , percipere valemus. Omnia porro mor-
borum symptomata magis evanida eoque fallaciora ac in adultis
sunt. Hinc justa diagnosis et accurata medendi ratio difficulter insti-
tuuntur , unde non semel vitæ periculum exoritur , vix ac ne vix
quidem avertendum. Cæterum , nonnunquam instituendæ curationi ,
etsi certissimis nixa sit indiciis , hinc præjudicia aut insania matrum ,
aut mulierum , quibus infantium educandorum cura committitur ,
illinc levis atque a medicamentis aversus ipsorum infantium animus
obstat , quæ quidem curationis impedimenta vix auferri possant.

Cum medico, in adulторum morbis curandis experto, in principio semper difficile sit, infantium morbos internoscere atque dijudicare, juniori et inexperto multo difficilius esse debet, quia in institutio- nibus clinicis et in hospitiis nonnisi rarissime infantes morbis affecti

occurrunt ; in plurimis autem *Universitatibus prælectiones de infantium morbis*, qui modo uti adventitia habentur , quam maxime negliguntur , et sic medicinæ studioso justa internoscendorum morborum, quorum tamen in praxi frequens occurrit curatio , occasio deest.

Hæc difficultas ex eo provenit , quod , ut recte observat Cl. Huseland , naturam constitutionis , differentiamque physicam prioris vitæ periodi inter et posteriore non satis intuemur , neque , quod tamen maximi momenti est , perturbationum functionum ac systematum præcipuorum , quæ evolutionis periodos quandoque concomitantur , non sufficienter rationem habemus. Sic etiam tenera infantium ætas maximum semper passa damnum , cum theoria quælibet exclusoria eo pervenit , ut totam medendi rationem plus minusve immutaret. Hoc de Stollii pariter ac de Brownii fautoribus valet. Medicum a studio partium et præconceptis opinionibus alienum , non latebit , medium eligendam esse viam ; illum non fugiet , vomitoria et purgantia sæpe in infantium morbis saluberrima ac non raro maxime necessaria reperiri ; quin tamen neget , excitantia caute administrata quandoque etiam salutifera esse.

Quam necesse sit , ut medicus prius sese de physiologia infantium organismi certiorem reddat , ejus proprietates atque rationes , quibus ab adulorum physica constitutione discrepat , perscrutetur , nimis patet , quam ut probatione egeat. His enim omissis , vera diagnosis , et justa atque conveniens tractandi ratio institui nequit. Specialium itaque infantium organismi proprietatum , omniumque , quæ ad pathogeniam determinandam , morbosque debito modo curandos inserviunt , rationem habere , quam maxime necessaria nec exigui momenti res est , ut morborum curatio fauste succedat.

His omnibus rite pensatis , lubens hanc medicinæ partem in theseos argumentum , quod , absoluto studiorum cursu , ad doctoris gradum consequendum , lex academica scribere jubet , elegi , et eo

libentius in illo acquievi , quod plures medici , nec ii ignobiles , sincere mihi faterentur , *infantium* morbos , dum arte primum defungebantur , maximas sibi difficultates exhibuisse , et sero tandem et per lethiferam quandoque experientiam in illis curandis fauste successisse.

Non est cur lectorem moneam , studium aliquid novi in medium proferendi a me alienum esse , quia electum theses argumentum non tale est , ut a medicinæ alumno novis inventis augeri possit ; quæ autem in hac scriptiuncta omissa vel minus recte exposita sunt , in his , quæ artis peritos non fugient , uti virium mearum exiguitatis , exercitationis parvæ , temporisque exigui spatii excusationem accipient , hancque quamlempcumque dissertationem juvenilis laboris specimen , æqui bonique judices habeant , lectores etiam atque etiam rogatos volo .

Investigationes instituens , præ cæteris auctoribus , præsertim sequentes evolvendos existimavi , et varias illorum sententias , quantum in me erat , contuli .

J.-Ch.-G. Jörg , Handbuch Zum Erkenen und Heilen der Kindertranckheiten. Leipzig , 1826.

A. Henke , Handbuch Zur Erkentniss und Heilung der Kinderkrankheiten Franckfort am Mein , 1821. 3^{te} Ausgabe.

L. Formey's allgemeine Betrachtungen über die Natur und Behandlung der Kinderkr. Leipzig , 1811.

G.-A. Richter allgemeine Bemerkungen über den Kindlichen Organ. Berlin , 1826.

Hufelands journal.

Dictionnaire des sciences médicales.

M. Underwood , Traité des maladies des enfants , Paris , 1823.

INTRODUCTIO.

Mala quæcumque, hominem a prima infantia ad perfectam corporis evolutionem afficientia, infantium morbos constituunt. Hi, quamvis quoad causam saepe saepius a morbis ejusdem generis adulorum non differre videntur, nec necessario ab infantium organismo dependent, ab illo tamen immutantur, alium decursum aliaque symptomata exhibent, atque pathologice et therapeutice alia ratione ac in adultis dijudicandi sunt. Quantum non differunt pneumonia, epilepsia, syphilis, chronicæ eruptiones cutaneæ infantis ac adulti. In omnibus hisce plurimisque aliis in morbis, considerationes generales de infantium morbis, de medicamentorum in illis adhibendorum effectu, ad hæc specialia objecta referendæ sunt, curationi ut felix quem optamus, contingat exitus.

Nuperrime modo illos pathologicos status ad infantium morbos referre conabantur, qui propria infantium constitutione physica nituntur et a certis conditionibus, quibus organismus in hac vitæ periodo differt, procedunt (1), et in adultis ubi hæ conditiones evanescunt, non amplius locum habere possunt. Tunc infantium morbi ad exiguum redigerentur numerum et solummodo ad primæ conformatioñis vitia referendi essent. Cæteri enim morbi uti hydrocephalus, telæ cellulosa induratio, blepharoblenorrhea (2), Angina membranacea (croup) asthma Millar, rachitis. etc., nunc inflammationis, nunc vegetationis morbi sunt, qui nonnunquam etiam in adultis occurunt. Si vero in adultis palpebrarum inflammatio, angina tracheatis, tussis convulsiva, glandularum affectio, omnino alia symptomata diver-

(1) Formey; vermischtæ schriftem. B. I. §. 81.

(2) Adam Schmidt ophtalmolog. biblioth. von Himly und Schmidt. Bd. iii. S. 107.

sumque exitum exhibent, ac in pueris, hoc unice a diversa amborum organisatione dependet, et in aliis etiam morbis, etsi minori gradu locum habet.

DE INFANTIUM ORGANISMO.

Antequam de neonatorum organismo disseram, maximi certe momenti foret, physicas exponere metamorphoses, quæ a primo conceptionis momento ad nativitatem usque in foetu locum habent; hæ enim cum evolutionibus organicis post partum occurrentibus arctissime cohærent, fœtuumque curandorum rationes et indicationes exhibent, quæ quidem curatio, teste Cl. Hufeland (1), majoris momenti est, quam post partum instituta medela. Sed temporis spatium non minus ac hujus dissertiunculæ limites talem digressionem non permittunt. Hoc tantum retulisse sufficiat, fœtum sat similem esse animantibus, sanguine frigido præditis. Imperfecta inde ejus respiratio, bronchialis, parva venosum inter et arteriosum sanguinem differentia. Calorem quem propriis præparare organis nequit a sola matre obtinet, fere omnino a reproductione dependet, irritabilitatis vero atque sensibilitatis vestigia vix animadvertisuntur, inde infans eo citius increscit quo junior sit.

Tempore partus nova metamorphosium series, pro nascituro homine majoris ponderis, incipit. Prima natali hora, irritabilitas non dubia observatur et sensibilitas quoque magis conspicua evadit, quæ reproductioni huc usque multo prævalenti quodammodo obstant; harum virium oppositio in dies increscit et perfectior evadit; vegetationis phænomena, quæ antea fere sola cernebantur, nunc cum animalisationis viribus junguntur, et neonatus quasi uno momento e regno vegetabili ad animale transit. Cerebrum huc usque solummodo

(1) Von den Krankheiten der Ungeborenen. etc. von Dr. C.-W. Hufeland. Berlin, 1827.

vegetative formatum, jam primas functiones inchoat. Hinc sensus communis atque prima quamquam perdebilis, animae facultatum activitas apparent. Jam respirationis organa aerem nos circumdantem atque hunc ad finem cum vi in pulmones, qui omnem nunc sanguinis copiam continent, irruentem, assimilare incipiunt. Magnam igitur et subitam circulatio mutationem patitur, cor summa perfectione munus suum init. Neonati respiratio etiam e bronchiali in veram mutatur, jamque animalem calorem procreare valet. Denique, deglutitionis organa intestinaque novas obeunt functiones, et celerime mirumque in modum efformantur. Ex hisce omnibus constat, horam natalem variarum mutationum in infantium organismo successive occurrentium, maxime momentosam esse.

Sed functiones animales non eadem accrescunt celeritate, qua primo partus momento. Reproductio adhuc diu praevalet, irritabilitas sensibilitasque impari gradu progrediuntur. Assimilationis nempe organa præ cæteris quedam perfectionis gradum attingunt, ita ut illorum ope organismus solidiore fundamento nitatur. Tum organa bene efformata irritabilitati atque sensitivitati, postea omni cum vi prodeuntibus, necessariam oppositionem præbent, et hisce quodammodo adversantur. Si vero res aliter sese habent, si reproductio ab organis debilibus dependet, debilis et ipsa erit, et irritabilitatis sensitivitatisque ingruentium effectibus necessariam reactionem præbere non valet, ipsa facile succubit, et corpus humanum, sublato trium harum virium æquilibrio, ad summam evolutionem pervenire nequit. In eo etiam ratio sita est, cur homo longiore quam cætera animalia, infantia versatur. Cum enim perfectissimum organismum obtinet, organa illius præsertim vegetative formentur necesse est, et hoc nonnisi certo tempore effici potest. Sin autem virilis muliebri infantia longior exstat, hujus ratio quoque ex organisatione viri perfectione deducenda est. Inter muliebrem revera et infantilem organismum multa similia exstant, et ob eamdem quidem rationem, quod in utro-

rumque organismo propter minorem perfectionem reproductio magis ac in viris prævalet; irritabilitas, et contra, et sensibilitas minus conspicuae sunt unde et magna generaliter in illorum morbis similitudo appetet.

Generaliter in progrediente infantium evolutione, semper studiose observandum est, reproductionem, irritabilitatem sensitatemque, quanquam arctissimo junguntur vinculo, mutuoque nexu cohærent, perpetuo tamen bello versari, id est, nimias vegetationis vires altiorum vitæ functionum evolutioni obstare; hisce autem nimium evolutis, vegetationis effectus minores obsevari.

Totius corporis vel singulorum organorum evolutio celeriter post partum adhuc progreditur, etsi reproductio tam cito non procedat, quam ante partum, eo tamen major observatur, quo origini prior sit infans. Cerebrum quod in embryone primo percipitur, in infantili ætate etiam maximis vegetationis viribus gaudet. Hæc evolutio quanquam non amplius omnino, tamen ex maxima adhuc parte vegetativa est, inde naturaliter functiones ab hoc organo provenientes, nonnisi sero sese evolvere inchoant. Systema *ganglionare*, illiusque functiones generaliter eo magis apud infantes vigent, quo juniores sunt. Post cerebrum, primum assimilationis secretionisque organa, exinde jecur, vasa lymphatica, splen, renes, cutis, evolvuntur et magis intensive efformantur. Voluntati submissi musculi tandem perfectiores evadunt, cum motus diu adhuc debiles et imperfecti sunt, corporis conformatio autem mollis et rotunda conspicitur.

Immediate post partum, causæ externæ in recens natum agere inchoant et organismum destruere conantur, quo fit ut reactionem provocent. Inter causas autem externas præcipue aer ac alimenta, quorum maxima tunc temporis necessitas, in infantem agunt, quæ respirationis necnon digestionis activitatem provocant, et ab organis debito modo immutata, æconomiæ assimilantur. Cætera in infantem agentia, ad ejus existentiam non necessaria, illum facile noxie afficiunt, debilis illius organisatio fortiter reagendo adhuc impar est,

et hæc, nèdum superet, vel ad corporis evolutionem utilitatemque assimilet, ab illis e contra facile destruitur.

Neonatorum organismo generatim magna irritabilitas, i. e. facultas ab externis facile afficiendi et in illa reagendi, adscribitur. Si sermo est de facultate, qua ab externis agentibus facile fortes et anomalæ reactiones provocari possunt, illud plane verum est, sed solummodo sequelæ tenuis ac debilis organisationis sunt, 'et ab ea dependentis trium vitæ virium imperfectæ tensionis, inde sequitur, quod, incremente organismi evolutione, disparet. In adultorum firme formatum organismum externarum causarum actio minor est, facile ab illo vincuntur, assimilantur, ideo ad ejus existentiam multum conferunt; in tenerum autem organismum minus fortiter agunt, vel nullo modo vel nonnisi fortiori nisu superari queunt, ex quo fit ut œconomia ab illis incommodè afficiatur. Assimilationis vires generatim eo magis increscunt, quo perfectior totius corporis evolutione evadit. Inde magna neonati irritabilitas a debili assimilationis facultate dependet. Quam ob rem, causarum externarum vis augetur, et non tam facile, quam ubi corpus bene efformatum est, externarum immutationum effectibus adversari, et existentiam vitamque servare potest.

Secundum eadem principia, ea etiam dijudicanda sunt, quæ puerorum organismum morbose afficiunt. Omni organismo, quoad qualitatem et quantitatem aliqua irritabilitatis norma opus est, ut mutua illarum oppositio provocetur, sicque vita quam maximo perfectionis gradu elucescat. Omnis vero, internam organi vim superans irritatio, noxie agere debet, cum invicta, in œconomiam recipi nequit, exinde liquet, morbos exoriri debere. Hæc interna sese externis opponendi potestas eo minor, quo proprietor sit origini infans. Inde saepe saepius morbose ab illis afficitur, quæ ab adulti organismo facillime perferuntur, imo ad ejus conservationem necessaria sunt. Sic digestionis organa nondum perfecte formata,

nonnisi lenissimos, omni irritamento carentes cibos, assimilare valent. Sic etiam facili modo et fortius in cerebrum atque sistema nervosum agitur, quia hoc magis extensive quam intensive formatum est. Reactiones itaque facillime violentiores et exinde abnormes fiunt. Hinc magna hujus ætatis ad spasmos propensio, atque narcoticorum effectus deducendi sunt. Subita frigoris calorisque mutatio apud pueros tam facile febres et inflammationes provocat, cum tam debili adhuc organisationi, in cutis præsertim arteriis correspondens sensibilitas, levissimo modo afficiatur.

Per imperfectam infantium organisationem, quæ a quocumque influxu externo violentius et morbose afficitur, maximæ infantium morborum multitudinis facile rationem habere possumus. Violentissima quæque phœnomena, quod sæpe accidit, normali functionum statu subito et æque facile excipiuntur, unde liquet, quam leni tensionis gradu tres præcipuæ vitæ vires hac ætate versantur. Propter eamdem causam affectiones ab exaltata sensibilitate et irritabilitate procedentes, etiam facillime et subito quidem auferuntur; hæ enim facultates reproductionis viribus facillime cedunt, cum a debilioribus organis dependent. Minus autem evanida phœnomena morbosa a prævalente sœpissime et a melius efformatis organis dependente reproductione exspectari possunt. In minori hac trium vitæ virium evolutione etiam ratio sita est, cur hac vel illa functione turbata et anormali facta, cæteræ etiam facillime et subito incommode afficiuntur. Ita quidem reproductionis affectionibus morbida sæpe sœpius sensibilitatis et irritabilitatis phœnomena i. e. febris, inflammations, convulsiones accedunt. Generaliter omnia diversarum sympathiarum phœnomena inter peculiaria systemata vel organa apud pueros præsertim apparent.

In progradientibus infantium evolutionibus, prima *dentitionis periodus*, maximi est momenti. Hæc fere semper versus primi anni finem inchoatur. Dentitionis periodus dicitur, ob symptomata illam

concomitantia. Sed hinc non concludendum , dentium eruptionem atque apparitionem hic solummodo esse considerandas , sed tunc temporis præsertim animalis character infantis magis pronunciatur , ita ut cum vegetatione huc usque multo prævalente , justo quasi æquilibrio versetur ; quapropter vasa sanguifera , lymphatica jam superant. Caput præsertim et omnia ejus organa hoc tempore eminentem et subitam evolutionem offerunt. Sensuum organa sensim sensimque efformantur , et ulterius perficiuntur. Fluida fortiter versus has partes progrediuntur , et cerebrum jam magis magisque intensive formari incipit , propterea sensuum organa functionibus suis eminentius funguntur , atque animæ jam facultatum vestigia certiora observantur. Jam etiam accedit summum humani generis privilegium , loquela putat usus , et anima nunc familiares sibi ideas linguae ad pronunciandum committere incipit. In ipsa externa capitis forma sensibiles sese offerunt mutationes ; media enim pars non amplius tam eminenter prominet , frons elargitur , calvariæ ossa firmius coalescunt , fonticuli obturantur , assimilationis necnon digestionis organa porro sensim sensimque perfectiora evadunt , quapropter alimenta difficiliora non solummodo sufferuntur , sed etiam necessario porrigi debent.

Dentitionis periodo absoluta , evolutiones denuo lente progressiuntur. Infans paulatim grandescit , sed semper eo lentius , quo ætate provector est. Arteriosum systema , venosum superat. Exinde pulmones præcipue evolvuntur , et oxigenatio in illis augetur. Magna solidorum molitiae et prævalens fluidorum copia evanescunt. Reproductio huc usque adhuc multo superior , jam progrediendo imminuitur , sensibilitas et irritabilitas sensim sensimque increscent , et functiones ab illis dependentes perfectiores evadunt. Perfectionis gradus , quem musculi jamjam obtinent , insignis est. Musculi olim voluntati submittendi , ea jam ætate pro infantis voluntate moventur , verusque flexores inter et extensores stabilitur

antagonismus, quanquam in prioribus contractio adhucdum prævalet, ideoque infans dormiens libenter truncō, membrisque curvatis, quiescit. Motus muscularēs regulariores, tutiores et fortiores apparent, exinde pedibus insistere discit, situque erecto, summa humani corporis in universum spectati prærogativa, necnon incessu potitur. Cerebrum jam systematis nervosi activum sit centrum, interni sensus, ut ita dicam, functionibus præsidet. Inde infans, existentiæ, suique ipsius sit conscius. Omnia sensuum exteriorum organa magnam activitatem exhibent, et sensim sensimque in rebus externis percipiendis acutiora evadunt, et tandem omnino perficiuntur. Memoria tunc temporis, et prima altioris vitae vestigia sese ostendunt. Versus secundæ periodi finem, infans multo minus ac antea nervorum quieti, i. e. somno indiget. Si unius, duorum vel trium annorum infantes præter somnum nocturnum adhuc per duas vel tres horas in die dormiunt, sex vel septem annos natī bene valent, dum nocte solummodo quiete, atque continuo somno gaudere possunt.

Ultima tandem, et maximi quidem momenti periodus in infantiae progredientibus metamorphosibus, *pubertas* est. Hac præterlapsa, nulla amplius infantiae vestigia supersunt; huic aetati, quoad corporeas vires, vita, quam maximam vocant, quoad animæ autem facultates, summa maturoris ingemii prærogativa competit. Animalisatio nunc maxime perfecta est, vegetationem superat, et reproductio primum, quem huc usque occupaverat locum, irriabilitati sensibilitatique cedere debet. Sub harum influxu arteriæ atque cor ampliantur, inde pulsus plenior duriorque sit, thorax magis magisque extenditur, respiratio liberior et facilior evadit, et animæ facultates magnopere etiam evolvuntur, mentis corporisque functiones ita perficiuntur ut ens perfectissimum ab illarum unione producatur. Reproductio ultimo conatu omnibus adhuc viribus enititur, ut superior remaneat, postea autem omnino evanescit. Hinc adolescentis puellæ sororiantes mammæ prominent, juveni autem

mentum pubescit , et quæ similia sunt in utroque sexu , appropinquantis pubertatis pœnomena ; ista , menstruum tributum solvere , hic vero genuinum semen secernere incipit , cui secretioni uberior barbæ proventus et memorabilis vocis in graviorem mutatio juncta est.

Ex his generalibus considerationibus de infantium organismo , sequentia generalia principia deducenda sunt pro *infantium educatione physica , hygiene , necnon morborum curandorum ratione*. Maximi momenti sunt , his enim neglectis , rationalis medendi ratio institui nequit. Hæc principia notiones solum generales exhibere possunt , sed quando cum experientia et practicis cognitionibus junguntur , tunc facile ad speciales casus applicari possunt.

A.) Quo junior sit infans , eo magis reproductio atque ab ea dependens vegetationis processus vigent , et hoc ut ita sit , necesse est , quia organismi evolutio tam generali quam peculiari modo inde pendet.

1º In infantibus educandis , præcipue vegetationi attendendum , hæc convenienter dirigenda ac sustinenda. Sic potius nutrientia quam irritantia ad victum alimenta porrígenda sunt ; hisce eo magis attendendum quo junior sit infans. Quantum desiderat , dormiat infans , præcipue in primo nativitatis anno , curandum insuper est , ne somnus interrumpatur ; in somno enim ob minorem irritabilitatis ac sensibilitatis activitatem , præsertim viget vegetationis vis. Generaliter omnes externæ causæ , quæ altioris vitæ organa nimis excitare valent , tum quia hæc nimis irritant , tum quia vegetationem impediunt , facile noxia reprehenduntur. Liquores alcoholici , aromata , fortes corporis motus , infantibus nullomodo conveniunt. Cavendum etiam , ne externi sensus nimis exponantur irritantibus ; dilucidum enim lumen , strepitus , odores fortes infantes facillime noxie afficiunt. Præsertim autem omnis intensior actio ab internis sensibus amovenda ,

quæ sensibilitatem nimis provocat, facultates cerebrales absque ulla excitatione evolvantur itaque, necesse est. Ex supra dictis liquet, educationem ad decimum usque annum magis physicam quam moralem esse debere.

2º Sed alia ex parte observandum, normalem organismi statum ab exacta trium vitæ virium proportione dependere. Actio igitur externarum rerum in sensibilitatem et irritabilitatem eo minus timenda, quo major sit reproductionis, jamjam prævalentis vis; nam vegetatio facillime, nimis vigore, tumque morbos excitare potest. Exinde infanti non impeditum membrorum usum concedamus, et ut libero aere fruatur, invigilemus. Attamen, subita aestus frigorisque reciprocatio evitanda, gratæ impressiones in sensuum organa conciliandæ, leve animæ facultatum exercitium permittendum. Ex his pro singulo individuo facile erit determinandus tractandi modus.

3º In diversis morbis etiam observatu dignissimum est, reproductiōnem prævalere, ideoque etiam in vegetationis processu irregularitates oriuntur, et quanquam aliquoties sensibilitas et irritabilitas primario labo-rant, vegetatio tamen fere semper una afficitur. Quapropter, apud infantes tam sæpe digestionis morbi, gastricæ affectiones, assimilationis, secretionis, excretionisque, necnon systematis lymphatici et glandularum lœsiones occurrunt. Cum liquidorum natura ab organorum vegetatiōne dependeat, illorum alterationes multo frequentiores apud infantes quam apud adultos observantur. Præcipue a perversa bilis secretionē, dispositione ad anomalam serosarum membranarum secretionem, præsentia muci tenacis in respirationis organis, ventriculo, intestinis, cuius sequelæ vermes haberi possunt, tandem a plurimis solidorum malis procedunt, quorum principium ab hoc anormali fluidorum statu deducendum est, inter quæ diversæ cutaneæ eruptiones pri-mum tenent locum. Eminens purgantium vomitoriumque utilitas in puerorum curatione hac quoque ratione ntitur, quæ ab exclusoria irritationis theoria rejecta, denuo autem ad morbos curandos ad-

hibita a medicis naturæ et observationi consulentibus. Hæc non solum noxios humores e primis viis expellendo prosunt , sed potius speciali modo activitatem tubi digestivi , hepatis , cæterorumque abdominis organorum provocando , agunt. Revera constat , in infantium morbis , hæc in reproductionem agentia medicamenta nunquam esse negligenda , e contra omnia in irritabilitatem , sensibilitatem , et in vasa nervosumque systema specialiter agentia remedia , nonnisi maxima cum cautela adhibenda esse.

B.) In infantium organismo , quædam peculiaria systemata et organa celeriter sese efformant , alia e contra lente , et infantium status normalis hac ipsa evolutione , secundum typum statutum progrediente , præsertim inititur.

1° Ad perfectam et normalem singulorum systematum et organorum evolutionem plurimum consert , si a primo nativitatis momento ad absolutum corporis incrementum debitus excitantium externorum influxus concilietur ; alimentorum quantitas qualitasque , actio in sensuum organa , expositio atmosphæræ , calori atque frigori , corporis motus , et cæt. , itaque justa proportione adhiberi , debitoque ad se invicem respectu , versari debent ; nec agentium horum hoc vel illud exclusorio modo èt præ alio adhibendum est.

Duriori itaque educationi nihil opponendum , dummodo æqualis omnium rerum actio observetur. Non omni autem in parte dura educatio facillime nocet ; sicuti partis cujusdam denudatio , uti pectoris , colli , capitis , cum cæteræ corporis partes bene tectæ sint ; expositio sæpius repetita duræ frigidæque tempestati , et paulo post transitus in conclave bene calefactum ; fortes et continui motus cum debili frugalique victu , animi facultatum major evolutio sine corporis necessario motu. Quantum peculiarium partium debita evolutio a justa vegetationis directione dependet , supra jam luculentter expositum est.

2º Sed tali modo ad se invicem referta externa agentia , ut successive et continuo in æconomiam agant , necesse est. Subitæ immutations evitandæ , quia facillime nocent. Moderata et bene instituta , quamvis durior educatio maxime itaque commendanda est. Nam illius ope , organismus paulatim externis agentibus assuescit , quibus postea necessario exponitur et quæ , subito irruentia , sæpe maximum damnum inferunt. A levioribus incipiendum et non nisi gradatim ad fortiora transeundum esse , per se patet. Sic etiam infantium organismus a semel assumptis consuetudinibus paulatim tantum liberari debet.

3º Plurimi infantiles morbi tali anormali peculiarium organorum vel systematum conformatioне unice nituntur ; hæc non sat cito debitam firmitatem congruamque consistentiam obtinent , unde anormalis illa mollities variique ex ita dicta atonia procedentes morbi , imperfecta nutritio et motus peculiarium membrorum , sobolescunt. Vel durities et consistentia organorum nimis augentur , unde torpor et induratio quarumdam partium oriuntur. Præcipue autem rachitis et veræ scrophulæ , morbidæ ætatis infantilis metamorphoses tum temporis hujus generis morborum prototypum sistunt ; in rachitide processus vegetativus eminent , unde vasa lymphatica et humores solito magis , i. e. morbose evolvuntur. In individuis ita dispositis , vita fœtus vegetativa in prima adhuc infantia quodammodo observatur. In veris scrophulis e contra quæ multiplicibus chronicis inflammationibus , nervorum affectionibus et inde dolore innotescunt , (scrophulæ inflammatoriæ) vita animalis , arteriosum scilicet et nervosum systema , nimio supra vegetationem et lymphaticum apparatus imperio potita est. Maximopere igitur errarunt antiquiores medici , dum has affectiones ejusdem naturæ esse statuerent , *rachitis* tonicis , et roborantibus (cortice peruviano , ferro et amaris) curatur , hæc medicamina vitæ animalis functiones excitant ; *veræ scrophulæ* e contra sanantur mercurialibus et antimonialibus , quæ

reproductionis et lymphatici systematis tonum augent, et nimiam sic irritabilitatem reprimunt. Omnes cæteroquin hi morbi ex modo præscriptarum physicæ educationis regularum omissione procedunt, et sæpe curantur vel illorum saltem progressus immiuuntur et quidem sistuntur, si jam diætetica ratio, secundum dicta principia instituatur, præsertim autem si vegetationis processus debite dirigatur; qua quidem ratione in genere plus proficere possumus, quam medicamentorum administratione. Cum morbi autem in specialibus organis topice apparent, tunc remedia indicantur, quæ peculiarem ad hæc actionem exserunt et topica insuper medicamina, cum autem nimium invaluerunt, et generales facti sunt, tunc omnibus sæpe artis auxiliis adversantur.

4º Præcipue autem tria organa dantur, cerebrum scilicet hepar et glandulæ mesentericæ, in quibus præsertim celerior evolutio obser-vatur, dum cæterorum æconomiæ organorum incrementum, servata proportione, minus apparet; hæc igitur organa peculiarem medentis attentionem merentur.

A.) CEREBRUM. Hoc organon primum omnium maxima et fortissima vegetatione evolvitur, fortiori itaque humorum affluxui et malis variis ab anormali hac congestione dependentibus expositum est. Congestiones versus illud et varia illarum phœnomena, collectiones scilicet serosæ inter cranium cerebrique membranas, vel etiam in cerebri ipsius cavitatibus, hujus organi hypertrophia et inflammatio et ita dicta febris hydrocephalica apud infantes tam frequenter occurunt. Cum cerebri efformatio eodem tempore magis extensiva quam intensiva apparet, omnes sensibiles influxus in hoc centrum sensibilitatis facile anormali modo agunt. Hinc somniorum, comatis vigilis et somnolenti apud infantes frequentia, ut et affectionum nervosarum, ecclampsiae variorumque illius graduum a lenibus capitis motibus usque ad tetanum et trismum. Celerior hæc cerebri, quoad cæteras partes, vegetatio sæpe, ne semper di-

cam, a nimis cito et intensa animæ facultatum exercitatione et evolutione dependet. Observatione enim constat, infantes apud quos facultates citius evolvuntur, ut plurimum variis, a nimia hac cerebri vegetatione procedentibus morbis occumbere. Maximi itaque momenti res est, animæ facultates exercitatione eo minus provocare, quo ad harum evolutionem naturalem dispositio major appareat; imo etiam, cum sponte sua nimis increscent, illarum ulterior evolutio reprimenda est. Therapeutico autem sub respectu id maxime est curandum, ut dictarum affectionum causæ, status scilicet irritationis cerebri vel nimia illius vegetatio et congestiones, humorum derivatione, adversiarum partium excitatione, stomachi præsertim et tubi intestinalis, tollantur. Omnia simul excitantia, tam physica quam moralia, in cerebrum specialiter agentia, omni cura procul haberi debent, quandoque etiam, in desperatis præcipue casibus, ad topicam frigoris in capite applicationem, ætheris instillationem, lotiones frigidas, aspersiones quæ statum irritationis directe tollunt, consugiendum est.

B.) HEPAR. Ante nativitatem jam centrum est vitæ vegetativæ, ideoque primis jam vitæ temporibus tam fortiter efformatum est, vasisque lymphaticis et venis scatet, sed nervis et arteriis fere destituitur. Hepar etiam post nativitatem momentosum adhuc munus implet, quanquam a corde tunc temporis sublevatur, quod arteriosas illius functiones suscipit et dextrum ventriculum hunc ad scopum majorem efformat. In abdomine adhuc prævalet, et jam bilis secretio perfectissima observatur. Facillime igitur anormalis et prævalens vegetationis processus producitur, et hinc phœnomenorum morbidorum series apparet, quæ, oppositam quodammodo enumeratorum, a cerebro procedentium morborum naturam exhibent, præcipue innotescunt symptomatibus biliosis, generaliter gastricis, ictero, variisque secretionis biliosæ irregularitatibus. Hepar etiam in infantibus præ cæteris organis sympatice afficitur cum

vegetationis vis a normali statu recedit. In plerisque his hepatis affectionibus quae optime cæteroquin præcaveri possunt justa virium vegetativarum directione, evacuantia et præsertim emetica summopere conducunt, ideoque ad infantium morbos meritam obtinuere famam.

Glandulæ mensentericæ. Jam a nativitate propter maxime necessariam vegetationem summa activitate gaudent, ideoque cito evolvuntur, sed propter eamdem causam facile morbose affici possunt. A vivida enim vegetationis luxuriantis vi, vita animalis celeriter reprimitur, hinc brevi tument, indurantur, inflammantur, tandemque in suppurationem abeunt, qua de causa generalis tunc corporis nutritio plus minusve impeditur, exinde emaciatio exoritur, et statum febrilem chronicum eo facilis comitem habet, quod accrescente irritabilitate et systemate arterioso, organa pulmonalia in organismo prævalent. Status ille morbosus, cui generaliter atrophiæ nomen inditum est, facile præcavetur, si diæta nec fortior nec debilior observatur, et si vegetationis vires, eo, qui infantis ætati competit, statu detinentur. Ad curationem requiritur, ut procul absint volatilia quæcumque irritabilitatem magis adhuc excitantia; administranda sunt e contra vegetabilia nutrientia, facile assimilandæ non autem irritantes substantiæ, quæ fausto eventu in vegetationem et præsertim in abdomen agunt, et nimias organorum evolutiones impediunt, dissipant; generaliter reproductionis vires incitania medicamenta adhibendo, irritabilitatem vero atque sensibilitatem reprimentia, uti antimonialia et mercurialia.

C. Infantium organismus a plurimis externis causis propter debilem ac tenuem organisationem singulorum suorum systematum, et organorum fortiter afficitur, sed reactiones mobiles et non nisi momentaneæ sunt.

1. In infantium morborum prognosi instituenda cantus sit me-

dicus , ad hunc scopum faustis signis exclusorio modo non fidat ; nec graviorum phænomenorum præsentia omni felicis eventus spe destituatur. Hæc præcipue in memoriam revocet , cum symptomata ab anomala sensibilitate et irritabilitate procedentia , observantur. Cum hæ functiones nondum regulariter efficiuntur et a debilioribus organis dependent , facile morbose afficiuntur , sed eadem etiam facilitate ad normalem statum redeunt. Non mirandum itaque est , si gravissima spasmoda a causa apparenter levissima procedunt , et subito quidem integra sanitatem excipiuntur. In morbis autem febribus non exspectet medicus determinatum typi decursum ; neque miretur , si levissima de causa interrumpatur , si critica phœnomena facile et subito quandoque ingruunt , alias autem æque facile perturbantur et evanescunt. In morbis tamen ab anomala reproductione dependentibus , magis determinatus decursus et constantiora symptomata observantur. Cum hæc enim in infante prævalet , ideoque a melius efformatis organis dependet , minus evanidos influxus exhibeant , necesse est ;

2. Generaliter in infantium morbis lenia tantum medicamenta adhibenda sunt , ab his saltem in casibus minus urgentibus incipiendum est , et ad fortiora modo sensim sensimque transeundum , et post accuratam et longam exspectationem ad methodum decretoriam solum confugiendum est. Nunquam obliviscatur medicus , infantium morbos plurimis in casibus curari posse sola congruae dietæ præscriptione , vel totius vitæ generis mutatione , quibusdam externis causis removendis vel provocandis et debita generatiū curatione et exspectatione. Medicamenta , stricto sensu , quæ tam facile cæteroquin opposito et noxio quidem modo agunt , procul haberi possunt. A remedii autem in sensibilitatem et cerebrum specialiter agentibus præcipue cavendum est. Hinc cauta admodum manu ita dicta volatilia , excitantia , narcotica , opium videlicet administrandum est. Parva admodum dosi propinata hæc medicamina , subito quandoque violenta symptomata excitant et facile etiam , propter illorum

actiorem subsequentem , dum functiones animales nimium provocant , et vegetationis processum impediunt , noxia deprehenduntur. Fortiora imo narcotica cerebrum insanabili modo afficere , inflammationes hujus organi , febrem hydrocephalicam et collectiones serosas in illius cavitatibus excitant. Minor autem cautela medicus indiget , in medicamentis præscribendis , quæ in prævalentem et a fortioribus jam organis dependentem reproductionem agunt. Hæc medicamina , antimonialia et mercurialia , ab infantibus æque facile quam ab adultis et iisdem dosibus propinata , sufferuntur.

3. In morbis infantilibus , omnis vel levissimæ circumstantiæ ratio habenda est , dum propter magnam hujus ætatis perceptibilitatem et sensibilitatem vel levissimum symptoma quandoque gravissimum fieri potest. Maxima itaque in puerorum morbis examinandis prudentia opus est , et eo magis , cum accurata diagnosis peculiares apud infantes difficultates exhibit. Arteriarum itaque pulsationes rite et diversis quidem temporibus , nam omnino mutabiles sunt , examinentur et cum cordis motibus comparentur. Respiratio etiam observetur , an brevis , anxia , stertorosa et nasalis sit , an levioribus vel fortioribus pectoris motibus stipetur , an exspiratus aër frigidus vel calidus appareat. Sensibilitatis gradum observet , examinando externorum sensuum internique sensus organorum functiones. Cum propter nimiam agitationem et continuos clamores infantem dolorifice affectum supponat , harum sensationum causas , sæpe topicas , accurate examinet , quæ infantis sæpe sæpius denudatione solummodo , variorum corporis cavitatum , et organorum genitalium inspectione , leni partium et præcipue abdominis pressione dignosci possunt. Ad cutis etiam calorem attendendum , num hic æqualis ubique sit vel sæpe immutetur , num peculiares partes frigidæ vel calidæ speciatim appareant. Naturæ etiam reproductivæ functiones observandæ , secretiones itaque et excretiones examinandæ sunt , præsertim autem alvi et

urinæ secretio inspicienda est, lingua, oris halitus, cutis color examinandus, et annotandum est, an hæc humida vel arida, rigida vel mollis, tensa vel laxata, quibus in partibus et quonam tempore sit. Observandus est corporis habitus et positio, quam infantes elegunt, præcipue amant, aut evitant. Hac tunc ratione dubia apud pueros aut saltem imperfecta morborum diagnosis ipsissimis morbos sensationibus, quodammodo stabiliri potest, et si insuper in prægressos morbidos influxus inquiramus, illarumque rationem habeamus, ad diagnosim, quantum fieri potest, certissimam pervenire possumus;

4. Apud pueros sæpius quam apud adultos exspectans curandi methodus instituenda est, et a violentiore medendi ratione cendum. Hippocratis effatum, *medicus minister naturæ* infantibus curandis præcipue applicari debet. Propter prævalentem enim reproductionis vim in infantili organismo salutiferæ naturæ vires et critici motus maxime activi sunt; materiæ deperditæ facile renovantur, noxiæ cito expelluntur, unde sæpe absque ullo artis auxilio curatio fauste succedit. Omnibus enim medicis innescit, quam facile vulnera aliæque organisationis læsiones apud pueros sanantur; quam facile et quam cito substantiæ deperditio quin imo omnino deperditæ partes renovantur. Præcipue autem pars lymphatica sanguinis, a qua præsertim omnis vegetatio dependet, maximam exhibet dispositionem ad novas organicas formas exsudatione procreandas; ab hac etiam dispositione dependent quædam phænomena morbosa apud infantes, uti v. g. angina stridula, et natura generaliter exsudatoria et adhesiva inflammationum quæ prima ætate occurunt. Quam facile status morbosus subito sudore, diarrhæa, vomitu, epistaxi, dijudicatur. Sed omnes hi status a nimis activa medendi ratione et fortioribus medicamentis facilime destruuntur, aut saltem perturbantur.

D. Series evolutionum per quas infantilis organismus ad perfectum usque incrementum progredi debet , eo ntitur , quod prius non obviæ vel saltem sotitæ facultates tandem evigilentur , manifestentur et altiori gradu procedant.

Hæ evolutiones animalem ut plurimum vitam spectant , unde sensibilitas et irritabilitas sensim sensimque major observatur. Hæ facultates , reproductioni adversantur , illam superare student , quod illis etiam magis magisque contingit. *Ipsò nativitatis momento , tempore dentitionis et mutationis dentium pubertatisque ætate , hæ animalisationis et altioris vitæ functionum evolutio præcipue locum habet.* Hinc sequentia deducenda sunt :

1. Rarissime saltem et apud politos præsertim populos , hæ evolutiones facile et sensim sensimque peraguntur. Fere semper autem citius seriusve varia phœnomena apparent , quæ disruptum plus minusve functionum æquilibrium denotant , unde plurimarum affectionum morbosarum origo. Hi ita dicti evolutionis morbi ad infantilem organismum , sed non exclusorio quidem modo attinent , homo enim etiam matura ætate ad mortem usque tali evolutionum seriei patet , sed apud infantes vitam altius impugnant ideoque majoris momenti haberi debent. Semper innotescunt anomale progradientibus sensibilitate et irritabilitate in vegetationis processu ; unde majori vasorum in quibusdam organis activitate ; copiosiore ad illa liquidorum affluxu , nimia dispositione ad plasticitatem , ad exaltationem et alienationem sensus communis , sensuumque internorum. Corporis temperies major evadit , arteriarum pulsationes altiores observantur , et statum febrilem denotant. Peculiares corporis partes , præsertim in capite , calent rubentque quin etiam inflammationis symptomata exhibent. Variæ secretiones et excretiones augmentur et immutantur , copiosior urinæ et salivæ fluxus et diarrhæa locum habent , eruptions cutaneæ apparent. Somnus inquietus fit et interruptus , *infantes*

multum lacrymantur vel minimo metu contrahuntur , vel præ subito terrore e somno evigilantur , maximam ad lumen sensibilitatem ostendunt et in genere multiplici modo dolorificas illarum sensations et cæt. demonstrant;

2. Omnes hi status quodam sub respectu pathologice non considerandi sunt , cum generatim innoxios tantum , licet violentos interdum naturæ activitatis effectus sistunt , qui disruptum æquilibrium reducere conantur. Hi motus quandoque etiam salutiferi observantur , cum in quibusdam partibus nimis exaltatas vitæ vires coercent et disturbant. Sic v. g. eruptiones cutaneæ , diarrhæa , salivæ fluxus nimium versus caput humorum affluxum diminuunt. Omnis gitur horum phœnomenorum activa curatio nunquam congruit , et vis excitans medicamentorum eo facilius noxia reperitur cum illa phœnomena perceptibilitatem adhæc magnopere augent. Unde maiores quam vulgo solent et oppositos quandoque effectus præstant. Si emolliens tantum diæta , uti ex supra dictis liquet , debito modo instituitur , tunc omnia hæc phœnomena cito et absque noxiis sequelis evanescunt. Talis autem medendi diætetica ratio maximi momenti est ; nam , exaltata tunc temporis excitabilitate , plurimæ causæ externæ , quæ alias innoxie transibant , nunc corpus morbose afficiunt certasque morborum formas excitant , quæ cum his evolutionis phœnomenis complicatæ , et ab his proprio modo immutatæ , noxiæ nonnunquam quinimo lethiferæ fiunt. Generaliter sibi in animum revocet medicus , hosce evolutionum morbos variis , iisque non levibus affectionibus ansam dare , utpote omnis generis inflammationibus , anginæ stridulæ præsertim , hydrocephali , convulsionsibus , quæ si revera occurrunt tunc therapeutica omnino , eaque activa curatione opus est.

3. Tria puncta capitalia in puerilis ætatis metamorphosibus , quæ eximie citam et majorem corporis evolutionem comitem habent , peculiarem insuper attentionem merentur. Ipso nativitatis momento

id curandum sibi præponat medicus , ut transitus e vita vegetativa ad animalem sensim sensimque et quam lenissime fiat. Ad hunc scopum omnes pro neonatorum curatione instituendæ regulæ tendere debent. Hoc sub respectu tam sæpe commendata et rejecta , et ad exitum placentæ usque reponenda funiculi ombilicalis solutio , præsertim laudanda est. Cita enim instituta sectio aliam omnino directionem sanguini violentius imprimere , eamque ob causam vitam animalem celerius excitare et organis , nondum debite efformatis , novisque functionibus obeundis adhuc imparibus , subitam activitatem præbere debet. Pro regula insuper generali haberi potest , respirationem non directe post partum incipientem , animi deliquium et mortem apparentem sæpe sèpius accidentalia tantum evolutionis phœnomena esse , absque ulla artis auxilio evanescentia , cum novæ directioni vitæ opposita obstacula cessant. *Dentitionis periodus* in qua reproductionis morbi , de quibus modo sermo fuit , multiplices observantur , quanquam ut status pathologicus non consideranda est , attamen attendendum est , illam eo magis ad plurimos morbos prædisponere , quo citius locum habet , et quo citius exinde sensibilitas et irritabilitas evolvuntur. Cauta et dietetica curatio , abstinentia scilicet ab omnibus rebus commendanda est , quæ in vitam animalem fortius agunt , et activitatem cerebralem humorumque ad encephalum influxum provocant. Difficilioris enim dentitionis accidentia ab anomalæ sensibilitatis et irritabilitatis phœnomenis dependent. Hæ nimis excitatæ facultates solummodo imminuendæ et ad normalem statum sensim sensimque reducendæ , non autem omnino impediendæ sunt , quod de variis evacuationibus dici potest , quæ optime et maxime naturali modo liquidorum ad encephalum affluxum et statum irritationis hujus organis imminent. Medicamina heroïca vel largiore dosi propinata generaliterque omnis nimis excitans curandi methodus in præmonitis casibus eo facilius noxia reprehenditur , cum in hac vitæ periodo perceptibilitas pro externis rebus ,

præsertim pro illis quæ præcipuum ad altiorem vitam relationem habent, nimis exaltata appareat. Plus igitur quam in alia quacumque vitæ periodo cautus sit medicus oportet in eligendis medicamentis. Quoad pubertatis autem ætatem in memoriam sibi revocet medicus, imminuta nunc vegetationis vi, altioris vitæ functiones facillime exaltari, systematis ergo arteriosi præsertim activitatem majorem, minorem autem venosi apparere, in perfecte efformatis pulmonibus functiones melius peragi, sensibilitatem ad altioris vitæ organa ad cerebrum videlicet magis transferri, et animi facultates exinde sumopere excitari.

Hinc etiam in hac vitæ periodo dispositio ad inflammationes major observatur, præcipue autem in respirationis organis, utpote centro systematis arteriosi et generaliter ad omnes pectoris morbos, pneumoniam, hæmoptoen, variaque phthiseos pulmonalis incipientis phœnomena, quæ eo facilius et sæpius apparent, quo in minus proiectiore ætate veræ scrophulæ, cito corporis elongatio, celeris functionum genitalium evolutio, frequens epistaxis, citius obortam celeriusque progredientem irritabilitatem indicarunt. Hinc etiam dependet dispositio ad omnes systematis nervosi affectiones, quæ quanquam non semel violentissima et terrifica sub forma apparent, sæpe tamen evolutionis solum prodroma phœnomena sistunt, quæ absque remedio et sine damno ut plurimum evanescunt, cum absoluta pubertatis ætate, debitum æquilibrium in altioris vitæ functionibus restitutum est, et vita animalis congruo, quod ætati adultæ competit, imperio potita est. Ex his patet, ultima hac periodo, omnes, irritabilitatem et sensibilitatem provocantes influxus, præsertim procul esse habendos, vel saltem esse imminuendos, violentiores scilicet animi motus, fortiorum caloris gradum, physicam et moralem defatigationem, alimenta nimis nutrientia, excitantia, ut et potus similes. Morbi hac vitæ periodo occurrentes lenibus in genere medicamentis et dietetice potius quam practice curandi, cum

spes fere certa affulget , fore ut hæ affectiones , absoluta pubertatis periodo , evanescant absque ulteriore periculo. Generaliter etiam in morbis convulsivis aliisque nervorum affectionibus a fortioribus , in sistema nervosum violentius agentibus medicamentis cavendum est. Cum autem morbi phœnomena ad irritabilem potius naturam , uti inflammationes febriles , pertinent , tunc ita dicta antiphlogistica , quinimo emissiones sanguineæ omnino necessariæ sunt. Hæc enim medicamina sæpe sæpius singulorum organorum destructionem , pulmonum præsertim , sola impedire possunt , et sæpe tamen , idea debilitatis , relaxationis , imminentis phthiseos negliguntur , vel ut noxia considerantur.

TANTUM.

THESES.

I.

Medicus junior , nisi sese de physiologia infantum organismi certior rem reddat , ejus proprietates atque rationes , quibus ab adultorum physica constitutione discrepat , perscrutetur , veram diagnosim et hinc justam atque convenientem tractandi rationem instituere nequit.

II.

Generatio spontanea dicta admittenda.

III.

Vermes in tubo intestinali contentos tutius ablatione causæ , qua generantur , quam anthelminticis medicamentis debellandos esse censemus.

IV.

Necessitas venæsectionis minime ex solo pulsu dijudicari potest.

V.

Plures medici male confundunt oppressionem virium cum vera debilitate , et hinc sæpe sanguinis emissiones non instituunt , ubi necessario requirebantur.

VI.

Non solum in animales , sed etiam in organicas functiones consuetudo multum pollet.

VII.

Corticis peruviani actio intima in febribus intermittentibus nondum rite cognita.

VIII.

In cataractæ operatione, depressio extractioni multum anteponenda.

IX.

Crisis non est res imaginaria.

X.

Docimasiæ experimenta apud neonatos nequaquam certum et absolutum, sed subsidiarium tantummodo et summe probabile documentum exhibere possunt.

HIPPOCRATIS APHORISMI.

Spontaneæ lassitudines morbos denuntiant.

(*Hippocr. Sect. II, aph. 5.*)

In morbis acutis extremerum partium frigus malum.

(*Sect. IX, aph. 1.*)

Naturarum, aliæ quidem ad aestatem, aliæ vero ad hiemen, bene aut male sunt constitutæ.

(*Sect. III, aph. 2.*)

Quum morbus in vigore fuerit, tunc vel tenuissimo victu uti, necesse est.

(*Hipp. Sect. I, aph. 8.*)